

永樂大典

卷九千七百六十
三

山巖 蘇 張錦 山巖 鮮于 山巖 趙子 昂

天開巖 應天府志在應天府上元縣攝山樓霞寺之後去寺三里

有天窗巖石多特立中有石壁相向其直如截殆非人力所至故以天開名其巖巖之左有張稚圭祖無澤諸公題字又金陵新志云巖因崇報禪寺左有千佛嶺後有天開巖巖巖鮮亭白雲菴迎賢石醒石中峯巖石房白雲泉亦云品外泉泉州府志在福建泉州府惠安縣北六里初沒於荆榛間人莫知者熙寧十年有憚令者觀其峯煙雲翁鬱疑有異境攀緣而上遂望山海如指諸掌因名之曰天開卧龍翁王獻臣有詩云覺皇普照黃金宅西有峯巖插空碧地靈不放坐境開都把雲蘿鎖頽

石 **擎天巖** 建寧府志擎天巖在福建建寧府 通 **通天巖** 贛州府志

通天巖在江西贛州府龍南縣玉石巖之側西南一洞高廣數十丈上有一竅露天日故名通天傍有石獅象石錢堆石羅漢石田石柱石鍾又一洞深廣莫窮所上今石井基盤石丹竈猶存一在贛縣西二十里石峯環峙如屏障廣福寺樓其復舊有穴徹山巔故名通天元祐中郡人陽行先

永樂大典卷九千七百六十三

三

隱于此太守林頴號以王巖翁今行先祠在焉傍有趙清獻周濂溪題名又有玉巖亭嘉定丁丑郡守留元剛始建又輿地紀勝云由廣福院後巖石如房有石穴上徹山頂王奇詩曰松蘿石室中清雅勝支公地靜無塵到山高有穴通天祐中郡人陽行先樓道巖中張無盡又琢石佛迄今賞勝因名吉安府志通天巖在江西吉安府太和縣亦名聖巖在湖山寶峯之側有飛泉自巖而下入石罅中旱則禱焉又志云名通天聖巖在傳擔山下庵中所供通天菩薩是也旱則於此禱雨惠州府志通天巖在廣東惠州府博羅縣羅浮山大石樓東有穴見天故名化州府志通天巖在廣東化州府石城縣韶州府志通天巖在廣東韶州府英德縣西十五里與碧落洞相去二三里橫崗峻嶺其中石孔聳峙千萬狀約行二里有大巖通天闊六七丈仰望天日煥然宋洪适盤州集通天巖記自英州西南行十五里至十角頭山自山麓二百步至山半有洞門冷風襲人雖半昏晏温皆扶纜不數步即黑來縕燄火始可入洞之左數石對峙曰菩薩曰金剛神晶彩盪目如沙中星振杖陟嶮奇詭迭露其平處可坐數十百人蓋深入石小破如盤盂見光却出直東又二百步始大明雙竅穿路垂蔓挂絲雲在木葉間日影漏入亂石總總所謂通天巖也行前復持火過群石

外。厥壤坦然。循其石。矧然有穴。下之多龍田。皆分騰吟。如縮蛇盤。蚪仰視。如覆樓閣。去人不遠。其平處。復可坐數十百人。撞之坎然。如鼙鼓。徒扶亦。鳴。意其下必更空洞。其旁一穴。類管井。不敢探地。出碎乳。槎牙散亂。如鐵。滓。曰龍矢。踐之。棘趾。窮高田。有水一丘。其下紫石壁。有渠云。春夏交。雅。沮。不可涉。自水丘處。實甚隘。偃以往。列戶如蜂房。其頂結乳。如珠纓。如流蘇。如裂瓜。如垂蓮。如肺肝。四壁。拋上水。有紋褶。疑于地者。如神鬼形。如幡幢。如旌纛。如帷帳。如筍。如枯木。如禽獸。如器物。多不可名。有冰柱。短長。小大。不一。有踴石。博下。銳上。如壁。遂視之。如水。即之。飲不盈掬。捫之。如龍鱗。旁。曰輪巖。石皆稜然。巧非追琢。有羅漢小像。可周以步。有石燕。逢火輒飛去。其幽。踴隱。實莫可窮。測。予書其石曰。有天地。即有此巖。而主是州。官是州。與遊子。遷客。曾無一言。標榜之。遂使名不結人耳。舌。吁。可歎哉。同遊者。毗。陵。邵林宗。新安董謀。道予之叔。光晦弟。景徐。報恩。希賜。師紹興二十一年。二月二十。二日記。

堂巖

建昌府志。天堂巖在江西建昌府廣昌縣東南三十五里。嘉定。式。辰。妙。聖。鑿。石。出。泉。以。水。療。民。疾。苦。其。後。以。廢。院。建。妙。園。寺。於。此。

洞天巖

延平府志。洞天巖在福建延平府沙縣治。西七里。有定光古佛祠。雨暘禱之。則應。

天印巖

寧波府志。天印巖在浙江寧波府象山縣西七里。大嶼。其巖如六花印。

天然巖

府志。天然巖在廣西柳州府洛容縣南二十里。巖口向西。舊稱西祖巖。宋改名天然巖。巖中轉輪經藏。至今縑流居之。

天明巖

實慶府志。天明巖在湖廣實慶府武岡縣城南一百八十里。紫陽鄉。巖口寺側。元祐四年。提刑張授都捕蠻寇。師次小天明墟。而愛之。因名。且留題曰。巖口呀然。向日開。小橋飛入勢縈回。幽深自可逃煩暑。况有容泉石下來。

朝天巖

廣信府志。朝天巖在江西廣信府貴

天井巖

饒州府志。天井巖在江西饒州府樂平州縣。有洪巖。天井巖。風巖。洞木巖。而洪巖最著。巖在山之要

漏天巖

彰德府志。漏天

有石屋。南北相通。其中雲氣。泉石相雜。石之如門。如堂。如帳。如象。如馬。甚多。世傳仙跡不一。巖在河南彰德府彰德縣。巖有異木。折幹倒植。野人號曰。交加木云。十五里。巖內有石如柱。際其上下。馬宋王十朋。梅溪集。天柱巖云。有二一在三井之北。一在松羅巖之側。鴈山一柱。挿雲霄。三井松羅柱亦高。蓬華

天柱巖

廣信府志。天柱巖在江西廣信府永豐縣南二

深懷犯人念擊
天端賴柱堅牢
星巖肇慶府志星巖在廣東肇慶府蔣聚有記轉運

判官周淳願茂叔熙寧二年正月七日遊附蔣
聚巴東龍昌洞行記云循溪而上有溪湛然者龍白也舟行逾百步而山
呀然者溪口也絲溪口北行數十步漸見幽洞一碧水激而溪深長崖如
截高數百丈聳然而峙者龍昌之勝勢也扁舟夷猶迤邐而深靜忽然飛
煙散空屑玉而亂下者峯端之飛泉也有巖如劍有石如乳中可藏舟而
不知風雨者溪間之帷壁也山迴水轉或掩或絕偃而望之則別在乎一
天直而面之則不知其所之游者皆曰茲境盡矣已而少行試窮其源又
縈紆盤屈徐適一二曲折恍然巖崖若闕迎舟而通蓋見溪山函束澄湛
秀拔層巒恠峯下鑑淵鏡者螺者若踊若紆又得其氣象凄爽常若秋至
澗草巖花異卉闕發龍潭窪深雷電晝伏是時予與游者浩然而騰覺其
身在太虛之上而不知其飲之多也然亦恐其過清不可久居乃移舟疾
行將窮而後歸又視其前則有物若我留而與游人有情甚相樂者
時復掛猿飛雉飲啄而下上游鱗水鳥出沒於前後葆蓋嘉樹可陰可息
又使人愛而不能去者也外游者之樂自溪口至此凡十餘里其千恠萬
象嗟予不可得而狀也須臾槳鳴嘔啞漸出平曠竹木陰翳隱然而窮者

永樂大典卷九千七百三十一

五

佛寺也此龍昌之太緊也予與遊者愛賞不已既而歎曰大凡山水之嘉
非造物者昔嘗着意於其間則不能如此奇且恠也此固神工有私於茲
境矣惜乎生不得其地而埋沒已久不為人所知爾予嘗嘗閱桃源圖有
漁者颺舟而來類於今之游龍昌但無樓屋仙人霞裾飄然俯壻桃飲嘉
客而已然而異世荒誕之說予固未知其必勝也亦欲寓為龍昌圖將傳
於中州以示喜異者然恐舉畫者之手必不能得其一二自然以此故不
必畫也昔柳子厚頗愛永之鈞錡潭嘗曰孰使予樂居夷而忘故土者非
茲潭歟故予為縣於此月嘗醉而遊者以三四自視愛而不知已猶恐其
往之不密故未始以為勤也其居壘而樂者亦以此溪矣予嘗客夷陵屢
游元白所謂三游洞者梯崖磴險僅至其下未見其所以為勝若以吾之
龍昌山奇水麗一洞十里可以浮舟去來如在乎畫圖之中以較其幽深
偉絕則媿母之與西子矣使元白昔日知吾龍昌之勝必不肯以此而易
彼此溪常漲於盛夏予之遊實在於六月其與之游者洪崖彭德純春陵
周茂叔二子皆有泉石之趣是行也與余為三今輒厚自誇大亦命之為
三游洞蓋山水之洞非石洞也後來者或不見實猶當俟於後來者昔游
在至和二年後二年夏五月廬陵蔣聚記此先生赴合陽蒞判任時沂決

永樂大典

卷九七六三

玉梯神闕龍昌之勝與廬陵符集洪崖彭
德純同遊。前集為之記。因附載行記之末。

七星巖

蔚林州志七星巖在廣西蔚林

州南山上葛仙翁煉丹處孔延之詩云穩安樓閣貫空嵌絕頂磨霄凝翠嵐若到白雲猶未半憑君更上七星巖蕭泰登詩當年仙隱七星山九轉丹成去不還百步雲梯通上境一聲鐵笛啟玄關龍蟠石井山靈護鶴遊寥天玉樹開醉倚巖崖覓煎還半疑凡蛻脫塵寰張信臣遊七星巖

桂林平地起山尖獨此奇峯箇箇圓上應星辰三四點中巖空洞幾千年乘槎客子頻相訪騎鶴仙人竟不還多少南來馳馬客品題詩句細磨鐫

雅琥詩澗水東邊三四山何年北斗下人寰天文暗宅蛟龍窟地脉潛通虎豹關碧嶺自封巖迤沓白雲不鎖洞門開何時得遂烟霞趣來此幽棲

結大還張稚飛詩仙李巖前問大還碧沙瑤草水潺潺虎隨客去春尋藥龍作人來夜扣關八桂月華連五嶺七星雲竇接三山洞天說有飛昇處

只隔雲煙縹渺間仙凡景界隔雲泥流水桃花路欲迷八桂寥天連碧海三山聖境上丹梯紫霞深藉神清洞白日猶燃太乙藁夢覺七星巖下

月參差煙樹暝煙啼城頭旭日照旌旗城下驚濤動鼓聲萬載歌詩猶誦曾三年鼓瑟不求齊仙巖雲濕龍歸洞陰壑風生虎渡溪珍重鳳凰臺

永樂大典卷九千七百零三

六

上客興來從此躡丹梯孔思立次前韻洞府仙書秘紫泥蒼苔露冷鶴蹤迷黃金的磔丹升鼎白玉稜層石抱梯葉縣鳥來飛赤弓葛陂龍去

化青藜蕭然已與人間別却訝花間有鳥啼楊煥詩三四峯巒列斗牛風巖龍穴幾千秋登臨恐遇林泉叟不曰行藏祇自羞郭祥正題七星巖

七星山色碧離離山下空巖世所希不獨霧深知約隱有時水長聽龍跡方床瑩徹仙人座絞石縱橫織女機旋別蒼苔見陳迹李邕詞翰常依

稀宋張孝祥于湖居士集朝遊七星巖暮上千山觀東西兩奇絕勢若崩海半標親鴻慶居士集十載汗脩門簪素侍帝垣五雲深莫窺衆星共以

繫一坐牘背書身落海上村山川發餘想鐘鼓眩昔聞星圖煥斗極兩兩錯地文今日復何日乘槎造天閭日月空扶挾參井安足捫誰當揭其柄

為我的瀛尊藍性之藍澗集何年七星降人間岡風吹作山頭頑九疑雲晴兩峯失五老天清雙劍攢桂林茫茫石如簇散漫崩騰走平陸鴈行斜

落大江瀆屏幃橫開疊蒼玉初疑女媧補天餘又如禹鑿龍門孤神光傍射軫翼上斗柄正指西南隅下有洞穴不可測虎龍畫伏龜蛇蟄雲根近

接刁漏深海氣常帶蓬萊濕我欲舉手招群仙駭鸞直上虛皇前斟酌元氣作雷雨一灑五嶺歌豐年黃公度知稼翁集天上何時落斗星化為巨

石羅翠屏洞折三义盤空曲壁立萬仞穿青冥客尋舊路不知處龍去千載猶聞腥欲訪仙子問真訣巖窟寂寂水冷冷 經歷觀音奴次韻拄杖訪棲霞神仙信有家聽泉消俗慮拂石看雲花海內年將暮山中日未斜何堪馳馬去回首一塵遮 仙子何年去高風香莫攀人皆趨捷徑我獨愛空山石溜凝遺像苔深隱舊班繡水臨斗度欲訪紫芝關

火星巖

永州府志火星巖在湖廣永州府西江外群玉山巨

竹高倚古木樛曲地勝景清為零陵最奇絕處宋沈遼雲巢編火星巖下石峻增殿閣相望止一僧莫問人閒興廢事門前流水几前燈 聯句詩千里熙醇政靈巖嘉訪尋 登亭雲擁坐柳拱衣穿徑苟成林 樂逢天風遠 柳塵隨宿霧沈 綺羅紅作錦冠蓋綠交陰 戶下顧關河小寒知洞壑深 柳松枯存舊節花老見初心 柳旌榮嵐光潤 樽壘野氣侵 戶自愧翁歸拙難攀子厚吟 戶城樓傳暮角南陌騎駸駸 柳

台星

巖

保寧府志台星巖一名南巖在四川保寧府閬中縣東南五星紫金山之半大梁山之南唐高士安無傾昔嘗隱居焉松木森羅巖宇深邃宋太平興國中郡人陳堯叟堯佐堯堯封昆仲讀書于此後堯叟兄弟並顯賜名台星舊傳懸頭讀書今猶有穿石貫繩之迹又捧硯亭乃宋

永樂大典卷九千七百六十一

七

司馬池為轉運判官日遊于此子光侍進士何萬記其行末云光捧硯故名亭今不存惟石壁間猶有捧硯二字

九星巖

肇慶府志九星巖在廣東肇慶府德慶州城東南悅城鄉一百二十里九峯尖秀因以名焉

景星巖

台州府志景星巖在

浙江台州府仙居縣西五十里萬仞壁立高處見井邑如錯綺綉僧行機嘗縛茅以居今為尼菴上有鹿頭巖以其形似之而名長數丈坦曠可步左右崖壁更峻絕云廣信府志景星巖在廣州府增城縣長沙鄉抵河源縣東鄉民以為祈禳之所巖中空洞有石如臺閣或如修廊或如鼓擊之有聲石乳結成寶蓋播析之狀幽邃深窅非乘炬莫能進

魁星巖

泉州府志魁星巖在福建泉州永清縣之南巖石峭拔初

名磨巖荆棘蔽翳人不敢至乾道中有苦行覺圓依巖而居誅茅為廬開名於邑士以其縣序正對名曰魁星因錫三大字於崖石之上其下琢石為

佛壽星巖

台州府志壽星巖在浙江台州府寧海縣西南一百二十里一名老人山如老人狀故名山旁皆盧姓俗傳

冢墓對此巖者其子孫必壽故更今名

摘星巖

杭州府志摘星巖在浙江杭州府海寧縣南三十五里左緯詩云已知星

可摘。須信路難通。日影穿雲薄。天形入水空。遂者梁苑雪。獨揖楚臺風。指點中華地。山河萬國雄。會稽擬英集。僧咸潤。捫蘿梯峭石。直上青雲端。咫尺星斗光。冷射人心寒。**覲星巖**。衢州府志。覲星巖在浙江衢州江山縣一百里。山勢高峻。疑可摘宿。遂名之。山前有巨石。昔有僧寶月嘗飯虎於此。

斗巖。處州府志。斗巖在浙江處州府縉雲縣仙都山前。疊嶂倚空。群木掩映。有小峯如北斗。名曰斗巖。

覆斗巖。紹興府志。覆斗巖在浙江紹興府諸暨縣南六十里。近浦江縣界。山峭壁形如覆斗然。

朝斗。汀州府志。朝斗巖在福建汀州府南山。崦綠石捫蘿而上。俯視城市。有佑聖廣祐福善王祠。禱必應。長汀宰陳顯伯有詩云。分明貯秋江。一角三山林。喬有詩云。照壇夜朝斗在。目石室晝卧雲生習。

斗子巖。紹興府志。斗子巖在浙江紹興府諸暨縣南四十里。巖陡峻高出群峯。故名。

雲巖。建寧府志。雲巖在福建建寧府甌寧縣西鄉。昔有異人於巖石坐化。鄉民字而塑其像。今雨陽有禱必驗。衢州府志。雲巖在湖廣衢州府茶陵縣東南二十里。巖高十五丈。深三十丈。夔州志。雲巖在四川夔州雲安軍。舊屬萬州。有蘇軾兄弟題字。黃庭堅題詩。為雲安勝處。後人立三賢堂。大同府志。雲巖在大同府大寧州。又有月崖釣雲浮玉白坪。並在鳳山。延安府志。雲巖在陝西延安府宜川縣境內。舊因此巖名縣。名賢多有題詠。元楊叔能小亭集。新軒有奇石。既異人多聞。何時名雲巖。小字鐫八分。承以青銅槩。槩底藏清芬。雲根浸新汲。巖實俄氤氳。客來爭掃地。侍香添寶薰。主人竟無譽。觀者心自欣。物既得所主。在君即屬君。細巨盡如此。不須強云云。壽王辯漢鼎。其說非虛文。雲巖新軒石。香乃雲巖雲。永州府志。雲巖在湖廣永州府境內。西十八里。直松嵩山之前。松徑數百步。始至其巔。兩崖稜層皆怪石。有蛟螭盤屈之狀。其上天牕寶蓋不可形模。地勢漸高。道人為橋為堂為殿。皆因其次第。一穴可容百許人。嘗陰陰若雲氣。翁然而興。則斯須雨降。巖以是得名。由始平及今。遂為禱祠之所。穴盡處有壘石。室其隘云。初異物以黃泥封之。與道人為界。泥今亦化為石。指痕尚存。林深路轉。山巖虛雲。觸石。是中立數椽。僅足安一室。斷罅開碧落。當畫縣白日。孔巢掛乳竇。蜚鼠傳石脊。山中古老人。對我誦記憶。昔為鬼仙家。乃藉巨人力。劃地剖疆界。印泥遺指跡。至今百年餘。住世三度易。吾非梅子真。身是江南客。阿公鬢未霜。阿弟鬢如漆。詹子武夷俊。邂逅願已適。扶筇一登覽。相與有倚匹。林逋葉靜能。俱

來一同席。二子善鼓琴。無弦徒掛壁。日暮雲已歸。今夕竟何夕。徘徊卧白雲。華胥休更覓。合州志雲巖在四川合州銅梁縣縉雲馮時行有詩。擬陽之陽。羗廬峯。千巖萬壑雲濛濛。仙人往往遊其中。安期羨門喬與松。天或使之為高封。咫尺象外不可通。我昔杖履秋將窮。洞宮蕭森遠遽忽。至今魂夢江南來。聞君斲石蒼崖穿。下燕來客幽襟同。君真度矣羗俗翁。作詩疾驅動僕僮。新雉奮蔚頌祝融。木章竹筒群顛空。要使恢廓無敵家。指麾八極呼雲風。坐與九江爭俊雄。富有騎鶴來遐冲。與君論道如崆峒。夫之勿疑求大功。慎勿顧此杉楠楓。李石方舟集我來雲巖。復初吉巖洞向晚開。新塔晴空飄飄雨花坐。護此燕几垂飛簷。老僧閉門一榻外。但有瓶鉢雲火匝。人間日車手可熱。道上火傘官爭突。不知此地陰水雪。崖花石蔓駢濃纖。傳聞仙人有蛟骨。玉塔未許窺幽潛。行人各走記名姓。浪費粉板相粘粘。不知蘇黃巖上字。端有妙處垂緗練。至今巖泉渴千仞。似與二老爭森巖。斯游與子固不薄。一餉喜遂清賞兼。稽首林間古石佛。面目慈忍。唯鬢髯。狐狸騎項鼠。逃膝蒼苔綠。刺侵裙褶。我願石佛。須少忍。救善怕惡。神所殲。君不見邇來石佛。勝銅鬼。會煮翁。仲烹飛廉。樓攻媿。先生集。但見雲生谷。初無石似巖。得名非舊觀。實地作精藍。境勝環脩竹。門深擁翠

永樂大典卷九千七百六十一

九

杉。禪林自佳趣。莫問後三三。李復滿水集。徑轉隨高下。欹危亂石中。寒巖朝起霧。空谷夜生風。踈竹連殘屋。驚鷹逐斷蓬。求棲問茅舍。非淺愛田菑。李彭日涉園集。送嗣行叟住雲巖。昔在馮光祿。精兵伐莎車。大死獻象龍。權奇天馬駒。朝趨不動塵。塵塊暮過都。銀鞍香羅帕。奚及行坦途。一朝伏棘下。局趣時長吁。霜蹄繞羊腸。驪思在坳。復聞郭素駝。種蕪絕代無。推秀土膏動。安恬肆紆餘。儕流失妙理。靜踪由米殊。木性不受觸。剝膚驗榮枯。柳侯為作傳。臨民真楷模。嗣公武夷秀。淡然雲水徒。風期壓支遁。淵源從老盧。膏育在巖壑。浩浩不可汙。屢辭公侯聘。煙霞闕團蒲。息著垢墨水。俯身蛙黽區。我本佛國淨。示見穢土居。壁之噴。王姿矚首徑。崎嶇雖懷萬里氣。詎可輕艱虞。亦如特卉木。涵養須敦腴。根即巖索竭。安忍不剝除。名駒即商鑿。種術母令疎。邦彞或彘蕘。三言成於光。願公置坐右。愛之良不誣。夜窓為長吟。霜聽警高梧。程公許滄州塵。垂編泛舟登弁山。祥應宮之絕頂。望太湖。窺黃龍洞。過倪尚書雲巖。頻浪蹴帆。移別浦。荀將邀我度。送岑雲閣。震澤水銀溢。風掠洞庭螺。翠深神井。千尋龍起。整巖四面石。成林。蘇仙詩句。倪公賦。萬古清風借嗣音。倪尚書有雲巖賦。元遺山集。并序。觀州倅武伯英。崞縣人。少日舉進士。有詩名。其賦翦燭。乃有啼殘瘦玉。

永樂大典

卷九七六三

蘭心吐蹴落春紅燕屬香之句甚為時輩所稱家故饒財第宅園亭為河東之冠貯書有萬卷樓嘉花珍果悉自他州移植為人多伎巧山水雜畫斷琴和墨皆極其工嘗得宣和湖石一窺竅穿漏殆若神剗鬼鑿炷香其下則煙氣四起散布縈水上濃淡霏拂有煙江疊嶂之韻吾鄉衣冠家法書名盡及藏書之多亦有伯英相上下者伯英獨恃寶石以擅奇紛晉間耳興定末伯英沒於關中楊戶部叔玉購石得之壬辰圍城中以示予且命作詩危急存亡之際不暇及也乙巳冬十一月來東平過聖與張君之新軒而此石在焉聖與名之曰雲巖予問石所從來聖與言夏津王帥得之汴梁泥塗中而以見貽予因歎一物之微經歷世變遷徙南北乃復為好事者之所寶玩似不偶然乃為詩道其故聖與三世相家以文章名海內其才情風調不減前世賀東山晏叔原故卒章以蕭閑明秀奉故事屬之 壺中九華玉簪類紫烟着水往復還小窓虛明澹相對不數漢宮銅博山會稽禹穴深無底寶石偷來定山鬼一堆寒碧殊不凡滿谷春雲更堪喜阿欣秀發見眉宇小杜才情淪骨髓摩挲不作儿上着綠白紵青便千里潭池日鑿餘空嵌漏天蒸濕饒風嵐世外元無種香國海南真有補陀巖觀州愛翫頻前被民部平生幾董沐藏舟夜壑未厭深竟作新軒坐

永樂大典卷九七百三十一

十

中物一天星月入金尊翠射娉婷有人只欠宣和鄭先覽為君留寓五湖真元同想築庵集白雲解作此山春時卷時舒也自矜兩翠晴嵐一千里知君不負百年身無名氏詞造化雕鐫巧真成一洞天曾將修塔遂却許蜚龍眠石現金剛足泉流仙客田炷香吳道者色體尚依然 菩薩蠻調遊人占着巖中屋白雲只向簷頭宿誰解探玲瓏青山十里空 松莖通一徑禁嗚山花冷今古幾千年西鄰小有天 停雲

巖 保寧府志停雲巖在四川保寧府南部縣蒲 景珣家於此巖前為居室至者不知其為巖 **雲峯巖** 嚴州府志雲峯巖

巖在浙江嚴州府分水縣西北二十五里生仙外鄉四面如削 一峯宛在雲中惠州府志在惠州府博羅縣羅浮山水簾洞後 **碧石雲**

巖 西安府志碧雲巖在陝西西安府耀州富平縣南一里巖洞深邃洞門上有石脈成三大字曰廣陽長遠望極分明近視如擘絮狀難曉

有名勝題詠及張天 師家記刺于石云 **凌雲巖** 延平府志凌雲巖在福建延平府順昌縣西七里高砂之陽鄉民祭菴崇

奉真濟 **寶雲巖** 邵武府志寶雲巖在福建邵武府泰寧縣西南十五里後唐同光中陳詭更其名曰禪寂巖一統志

後號 **翠雲巖**

延平府志翠雲巖在福建延平府沙縣西百八十里巖有三洞穴高下相次前有三石筍品叙而立昔在丞張若

谷偕陳世卿建業於巖洞間二公繼責即巖建寺崇奉南安聖公香火極靈比年鄉民避寇於此并奉巖前長興廟神故寇至屢攻之不克皆庇護力也巖上多

黃楊木土人亦呼為黃楊巖鄧

柝欄先生有遊巖詩見集中

雲頂巖

興化府志雲頂巖亦白雲頂峯在福建興化府興化縣北二十

五里巖有石室十餘所舊有幽人棲息于此名舊隱巖旁有一巖謂之化塔巖眠雲閣有石並峙復凹而上可坐十人對望如闕釣月灣聞猿洞峯之旁為捺坑

巖居其巔古識云捺坑脚監無人識世頂峯前出狀元其下有王神廟先是游

洋並起王神殿沒于賊里人為之立廟延平府志雲頂巖在福建延平府將樂

縣沙常里地名村頭廣壽院之右上架菴崇奉馬仙香火

白雲巖

延平府志白雲巖在福建延平府將樂縣西百餘里峯之上休巖

築佛閣巖石清絕衢州府志白雲巖在浙江衢州府信安縣南二十里景星鄉巖有石龍甚異毗陵志白雲巖在直隸常州府宜興縣卷畫溪十五里山削拔高百餘丈林木森然上有潭穴雲氣周繞朝暮不絕歲旱祈禱多驗南寧府志白雲巖在廣西南寧府武緣縣東二十里巖口有僧寺樓閣襄陽府志白雲

永樂大典卷九千七百五

土

巖在湖廣襄陽府房州竹山縣楮平山劉光祖詩萬竹山中丹葉秋五峯巖半白雲留黃花夾路開無主青嶂隨人翠欲流長沙府志白雲巖在湖廣長沙府

攸縣五十都台州府志白雲巖在浙江台州府臨海縣東西十五里以白雲常

蔽其上故名安慶府志白雲巖在直隸安慶府桐城縣東一百二十里其巖分

聯東西者二元朝之時西番僧號了悟禪師以地勝巖幽遂建兩菴于二巖東

菴廢矣西菴尚存惠州府志白雲巖在廣東惠州府龍川縣北十里慈山之陽

紹興十七年九月九日郡守韓京率僚屬龍川縣尉楚佺等登高于此留題石

壁云良辰昇勝到禪關晝日澄懷水石間白酒黃花聊自若盛遊何必羨龍山

瑞雲巖

延平府志瑞雲巖在福建延平府將樂縣南七里穴實玲瓏蒼石探壘巖中一穴常滴石乳味極甘香飲之則痼疾報愈

饒州府志瑞雲巖在江西

饒州府浮梁縣之鳳游巖

披雲巖

處州府志披雲巖在浙江

油

雲巖

延平府志油雲巖在福建延平府將樂縣北二十五里地名光明有石一拳歲旱鄉民祈求靈泉以為必雨之應視其石露流涓滴則不

崇朝 **望雲巖**

宋趙叔靈集望雲巖詩不見寒山子寒巖日欲曛無人到深處泉木隱孤雲水照秋痕畫霞明晚翠分孤猿啼亦在

誰向此中間歸華類業題李端夫望雲巖圖 太行佳處寓行窠不植庭
槐不種莎親舍盤旋全晚節安居閑雅發陽和 殊啼萬丈高山木 舊引十
年老樹柯大地氣氤生 歸雲巖 宋郭祥正青山集春田雨既足
變化山城雨霽月婆娑 幽巖雲自歸歸雲無覓處不共

飛 紫雲巖 宋梅聖俞宛陵集紫雲巖詩高巖日照雲常起吹作
蘭花透紋綺橫為步障有未收 山雨一來風滿耳章

夏詩林未翠光出浮埃不能洗俯瞰松下石 冉冉飛雲過何人來棲真復
悚須彌座院之武詩石燈羅梯隱翠微坐間時有紫雲飛紛紛郁郁未還
去難問瞿仙幾日歸 蔡揚詩紫洞本窮幽深疑徹九州夜來風月好應有
羽仙遊張獻尺詩朝見紫雲生霏霏暮見紫雲歸載有詩飛鸞舞上下

料是仙人潛出入 日破除蒙照紫頂紫雲一片拖晴影溶溶淺淺晚不
收只疑便是壺中景元勛詩歷翠樹蒼翠不犯塵木澆暗香何處花松下
微風過當有道人 來非煙水寶坐 大雲巖 夔州府志大雲巖在四川夔州府之西
北隅渡江二里間巖谷虛豁入其中者

雞著月亦寒慄 上有垂石如滴翠乳前有佛寺左去數丈一小谷正在寺
西舊塑觀音像石上下巖其景為秀巖滴翠南軒詩云平地起突兀顏然

永樂大典卷九十七百三

若負龜初疑斤斧鑿安得此巧奇乃知化工巧精意運神機巖深翠長滴
冲冲開四峙宋周漁溪集連州城西大雲巖留題轉運判官尚書駕部員
外郎周惇願茂叔尚書屯田郎中知軍州事 雲鶴巖 杭州府志雲
何延世懋之熙寧元年十二月十六日同遊 鶴巖在浙江

杭州府於潛縣 雷巖 宋蘇東坡集雷巖詩空巖發靈嶺仿
北四十五里 佛如風雷只疑函寶劍天遣六丁開 霹靂

巖 汀州府志霹靂巖在福建汀州府城外鄞河坊宋元祐初白晝忽迅
雷一聲巖竇劃開中有丹竈上有遷茅真神僊窟宅後就巖間創立
道堂中華陽衣鶴髦之士多游於此臨汀志云在拜相山
限舊傳迅雷一聲巖洞遂開中有丹竈猶存今為佑聖道院 風子巖

袁州府志風子巖在江西袁 古風巖 長沙府志古風巖在湖廣長
州府萬載縣靈樓巖東三里 沙府瀏陽縣東鄉高平古風

山巖中黑暗明火可入內有石僧石牀石鐘石鼓石橋石基枰有水一溪
自巖而出陰田百畝有餘其巖與毛公巖白石巖相通深數十里

嘯風巖 宋許綸涉齋集嘯風巖詩人言風從虎風豈虎所出吹萬
生一虛石兄故無物洪适盤洲集於菟嘯空山萬竅寒風

出隄防飛將軍
漢箭有神物

朝陽巖

叙州志朝陽巖在四川叙州宜賓縣十里其山石赭色朝陽所升遠望若虹蜺絳綃

俗云赤崖夔州府志朝陽巖在四川夔州府陽山縣西一十二里周回一里一十步高一里舊經云日出光照此山因名之永州府志朝陽巖在湖廣永州府零陵縣西瀟江之許舊無名稱唐道州刺史元結曾維舟山下以地高而東向遂名朝陽有記猶存自巖而下復有一巖流水出其中入于江其聲淙淙然名曰流香洞又有潛澗小有淵潛三洞其旁有亭三曰見勝豁見聽泉凡十七景自唐迄今名賢留題皆鑿于石唐元次山集朝陽巖并序永泰丙午中自春陵詣都使計兵至零陵愛其巖中有水石之異泊舟存之得巖與洞於戲巖祠此邦之形勝也自古荒之亦無名稱以其東向遂以朝陽命之馬前刺史獨孤愐為吾前開榛莽後攝刺史實泌為吾刑制茅閣於是朝陽水石始為勝絕之名已而刻銘巖下特示來世銘曰於戲朝陽惟異難狀蒼苔半山如在水上朝陽水石可謂絕奇巖下洞口洞中泉垂彼高巖絕崖深洞寒泉僻在幽遠猶宜往焉况郡城并邑巖洞相對無人修賞竟使蕪穢刻銘巖下問我何為欲零陵水石世有人知存有詩朝陽巖下湘水深朝陽洞口寒泉清零陵徒為先賢傳水石為

永樂大典卷七百五十三

十三

娛安可羨柳宗元詩高巖瞰清江幽窟潛神蛟開曠延陽景回薄橫林梢宋黃庭堅詩并序崇寧三年三月辛酉同徐靖國到愚溪過羅氏脩竹園入朝陽巖窮考回陶介石僧崇廣及余子相步及余於朝陽巖裴回水濱久之有白雲出洞中散漫洞口咫尺欲不相見介石請作五字記之意欲到愚溪竹輿鳴檐肩舟溪昔居人埋沒不知年偶託文字工遂以愚溪傳柳侯不可見古木陰澹滅羅氏家瀟東瀟西讀書園筍茁不避道擅藥搖香煙下入朝陽巖次山有銘錫蘇石破篆文不辨聖李表嵌寶鑿室磐洞中出寒泉同遊四五客拂石弄潺湲俄頃生白雲似欲駕我仙五將從此逝牽挽遂迴船又作款乃曲云千里楓林煙雨深無朝無暮有猿吟停撓靜聽曲中意好是雲山韶濩音杜陵歌朝陽巖下瀟水深朝陽洞中寒泉清零陵城郭夾瀟岸巖洞幽奇當郡城荒蕪自古人不見零陵徒有先賢傳水石為娛安可羨長歌一曲留相勸張范詩不污西風一點塵高城三水自中分南樓晚角隨人到北寺疎鐘隔岸聞秀石潤生江上月平泉流出洞中雲暫來還去空惆悵誰更朝移暎俗文王羽詩石岸盤危磴煙和曉日濃長桐應待鳳占水必藏龍老樹藤多附層崖路莫從平磯看浪沒峭壁任苔封蕭韻生群巖嵐光發衆峯何時有達士棲此信疎慵

永樂大典

卷九七六三

東向水西阿。無時物景和。松陰不映戶。曉日在煙蘿。人路應行少。山禽似語多。清高知隱者。塵慮自銷磨。牛糞詩躡石。攀蘿路不迷。曉天風好浪花低。洞名獨占朝陽號。應有梧桐侍鳳樓。無名氏詩。崖巖風雨落泉聲。巖下江流見底清。夾岸松筠倒踈影。吹煙漁父近寒城。妻續祖詩。滿江巖上對朝陽。應有梧桐集鳳凰。日暮碧雲還未合。又看飛鏡滿清光。曹協詩。和史志道侍郎正志遊朝陽巖。經行竿確省嶙峋。曳履杖筇躡後塵。自是高懷元落落。向來喜色見津津。宜搜今古風流遠。得助江山句法新。好逐秋風上霄漢。却留盛事付州人。薄書堆案阻尋幽。想像高人物外遊。自昔品題多北客。故知物象勝中州。雲經亂石餘青潤。煙過懸崖自去留。暫俯澄潭倚蒼壁。已疑身世在鼇頭。興來小渡喚方舟。霽色天教足勝游。但覺賞心追昔事。不知飛詔下皇州。班行便覺九天近。登覽何辭一日留。懸想他時百僚上。亦思清景輿回頭。鄒道卿詩。冒雪渡江。遊朝陽火星二巖。既歸戲作。踏雪尋山亦自奇。歸來追想欲吟詩。孺人願我忽然笑。却道君今休更癡。胡致堂詩。和次山遊朝陽巖。畫船浮客到巖阿。小閣經年又一過。天遠恍如開翠幕。江春潭似遠清羅。雨晴風日山山麗。花發園林處處多。最喜四郊膏澤遍。試從堯壤嗣農歌。沈德潛詩。觀大水望朝陽巖元次

永樂大典卷九七百五

十四

山所名者。前日巖間欲結廬。下眺江水百步餘。春水濺濺出乳竇。青山白石半誇塗。不到津頭已三月。誰知江水漲天墟。逆望橫流不敢濟。巖日已有人。曹魚于湖居士文集。遊朝陽巖記。丙午上巳。余與張仲欽。朱元順。來游水月洞。仲欽酷愛山水之勝。至晚不能去。僧了元識公意。即其為亭。而山俯江。据登覽之會。五月晦。余復偕兩賢與郭道深。來水滌方漲。朝日在牖。下凌倒景。涼風四集。仲欽忻然舉酒屬余曰。茲亭由我而發。盍以名之。余與仲欽。頃同官建康。蓋嘗名其亭曰朝陽。而為之詩。非獨以承晨曦之光。惟仲欽之學業足。以鳳鳴於天朝也。今亭適東鄉。敢獻亭之名。亦以朝陽而巖曰朝陽之巖。洞曰朝陽之洞。元順道深。合辭稱善。即書巖石。記其所以。張某記。元勳詩。煙磴入風路。欹危轉深冥。通明忽到眼。石自太古青。仙人故臺在何處。乘雲輶。趙仁仲詩。用山谷韻。題朝陽巖圖。朝陽山水佳。毫端意無極。發潛十七奇。幻出不盈尺。因續漫郎銘。更寫浯溪宅。俱作畫圖看。靜對天齊石。**東陽巖**。贛州府志。東陽巖。在本府寧都縣。為御史大夫開寶。帛伐。即日謝事。歸黃冠布褐。奉母隱此山。終身不出。善八分書。寺觀石刻多出其手。今為雲巖觀。崖勢峭拔。祠像奇古。木鍾丹竈。遺跡儼然。是

為金精附庸云曾楚山詞八聲甘州調 問巖雲朵朵誰飛向來讀何書道
江南名宦掉頭弗顧絲脈歸與無限山中風物今古屬潛夫渺渺遠天鶴應費
招呼謾說緇中縞帶與豸冠犀釧憂樂何如漸橋橫米石園步已超超
想歸來頓成憔悴數季鷹聞蚤憶尊鱸丹泉冷崖鍾絕響夕照啼鳥 **太**

陽巖

杭州府志太陽巖在本府於潛縣西南二十五里其岡自浪山
蜿蜒而來傑然卓立每東方啓明初日炫旭晴光先照於絕頂
故名世傳徐伍二僊餐霞服日於此月朔則朝于天目又名朝青崖陰有
二石其形如鹿平齋洪公招隱辭云徐伍朝往而暮來兮雙岩鹿蓋指此

夕陽巖

梅聖俞宛陵集夕陽巖詩日脚射空金縷直下映壁間
校未識野老先知雨又風明朝望此重雲田阮之武詩
晉人倦去莫知春依舊空巖鎖暮雲西照滿前無限景有誰能此憶瞿君
張獻民詩屹嶺欲到倚山脚涵雲洩雨摩半空向晚呀然射顏照疊石爛
爛參差紅巖下夕陽燭已然巖腰斜照光猶射暮雲殘霧不能遮始信
僊居無晝夜章夏詩暖憑燈緜坐陰覓崖松倚一詣雲屋深猿鶴頗相喜
霜髯白紛紛謂我作黃綺元勳詩東風送花歸曳杖雲可
倚泉石符宿緣相見作歡喜西瞻少遲留天末霞成綺 **陽調巖**

永樂大典卷九千七百零三

五

泉州府志陽調巖在本府南安縣興集里杜松峙鄉人登其上禱雨輒應
山半坦平可三百丈古號陽調平淳祐己酉雲臺主僧雲穎始除地築室
奉清水禪師冲應真人為祈禱之所 **北陽巖** 泉州府志北陽巖在
蔡常卿次傳捐金倡始為作疏語 本府南安縣歸化里

巨石嵌空極廣而深舊名鬼巖有徐道人為農家飼牛夜棲其中里人始
未之信曰投汝以鼓以聲聞為證已而果然乃披荆棘攀石磴從之即其
地架宇更 **愛日巖** 宋郭祥正青山集愛日巖詩古剎盤深塢
曰陽巖 幽巖傍運關三冬歲暖氣留客待春回 **含**

暉巖

永州府志含暉巖在本府道州營道縣南五里唐劉夢得
有記一名白石巖何子應以金華名巖中之象亦曰金華
巖治平己未周元公以永倅歸 潮州府志西暉巖在本府
展墓嘗與鄉人同遊題名于石 **西暉巖** 郡治金山獨秀峯西宜日

之吳傍有一
巖題曰西暉

甘露巖

邵武府志甘露巖在本府泰寧縣西南十五
里巖垂石乳禱雨屢應紹興年間僧了宜初
造堂殿扁曰甘露庵輿地紀勝云外有石門天成景物奇絕郡城亦有甘
露巖延平府志甘露巖在福建延平府將樂縣東四十五里地名高灘楊

晦之詩云。屈曲山腰一逕通。亂雲芳草思無窮。塵埃從此去人遠。我欲誅茅寄一峯。潮州府志甘露巖在廣東潮州府海陽縣獅子山。上有甘露巖。

垂虹巖

夔州府志垂虹巖舊名大壘水。在四川夔州府達州大原市之西。巖高十數丈。其下虛敞。可容百人。有水自巖巔流下。春夏甚壯。其勢穹隆。下

循巖壁。若垂虹焉。故名。

玉虹巖

相臺志玉虹巖在支離更巖東。下對白龍潭。故曰玉虹。漱

霞巖

元劉靜脩集漱霞巖詩。丹霞凌日觀。餘津浩難收。蒼涼蘇病骨。醉暈浮巖幽。萬象春意融。頽然得歸休。擾擾路傍子。無勞歌遠

雲霄巖

興化府志雲霄巖在本府興化縣東

凌霄巖

周密澄懷錄周子充遊廬山登凌霄巖

巖巖在平地。奇石如巖

雨巖

宋徐安國西窓集遊雨巖有感。山鬼挽留堅不。動雷師驅策。病難禁。何如穩卧寒巖底。一任蒼生

屬意深。韓沈澗泉集靈後過雨巖訪復道。讀書了科詔。公子顯揚謀。歲寒松柏堅。高家蔚而幽。書樞耿冰硯。日屋嵐未收。上馬國脉壽。大馬民瘼

瘳。父母凍遺體。操持夢前脩。四載得重來。長言非燕遊。燕蘇行跡稀。雨巖丁領頭。共飯少徘徊。我志君勿求。李方叔濟南集二士避雨巖。遇險思

永樂大典卷九千七百三

六

共濟。胡粵無異心。而我與夫子。義烈真斷金。陰崖避飛雨。群龍方怒吟。巖中歌式微。相和相知音。辛稼軒集定風波詞。用樂名賦。招馬荀仲游雨巖

山路風來草木香。雨餘涼意到胡床。泉石膏肅吾已甚。多病隄防。風月費篇章。孤負尋常。山簡醉獨自。故應知子草玄忙。湖海早知身汗漫。誰伴

只甘松竹。共凄凉。

雨花巖

元一統志雨花巖在江西撫州府黃縣北三十里。曹山寶積禪寺外。有雨花巖。雨

叢巖

元一統志雨叢巖在浙江廣州府縉雲縣仙都之西。潭心有小島。上有堆石奇樹。潭之南有石壁。高可百仞。其東復聳一巖。上

廣下飲。曰

夜雨巖

臨洮府志夜雨巖在陝西臨洮府蘭州。泉脉自山巔而下。夜深露氣重。而泉溜愈多。輿地樞要

雪巖

李石方舟集張氏雪巖記。士君子所居。卜築環堵之室。凡以况其德之大小。大德况大。小德况小。窮達利害。寵辱得喪。何

關於我。初不以是自累。一惟其學之達。綽乎其有餘裕。浩乎其沛然者。可

以克之天下。不獨虛名之取也。五畝土木。四壁甲乙。茅茨丹堊。無異用。藍樓金碧。無異塗。綠野之北。中書堂。輞川之擬丞相府。一竿之漁。足以自娛。於盤谷。一杯之酒。足以自適於彭澤。所况大小。十手十目。予以審知君子

所養也可乎哉。顏回原憲之學。不謂其不克齊也。伯夷叔齊之學。不謂其不文武也。豈以是自累乎。嗚呼。出處語默。各學其學。達其達人懸之以天下權衡之。公可虛辱乎。然則雪巖者吾友張氏子之德。有聞於國中。其為學足以稱其所宜居也。張氏子之世忠信孝友。父子今幾傳矣。陽施陰報。凡幾事矣。夫人知之。天亦知之。其曰雪巖者。一何取名。况德之廉也。傳曰。高山仰止。景行行止。又曰。虛室生白。吉祥止止。所謂止者。其亦雪巖所止之居乎。不華不漏。不湫隘。不壅塞。五儒素業。足以澹祥風。而瑩白日也。名之所况不已多乎哉。誠未多也。昔齊宣王作雪宮。孟子以賢者而後樂此為譏。東坡子作雪堂。執耒耜。拾瓦礫。與向者白玉堂中無異。而忠義文章。垂世永久。其視雪宮。果何如人也。冬餘則為几。規光明之用。庭戶則為漸。積冰霜之成。憂民則為半。麥豐稔之祥。官業則為臨。濯潔白之懿。春秋。盈尺。雖以大書。君子其亦凜凜於此者乎。雖知此。他日可以充之。天下無幾。張氏子名煥。字堯文。年與予上下。同婿何氏。淳熙八年二月十五日。方舟子李石記。瀘州某家鉉翁雪巖說。魏晉以後。詩翁才人。為雪賦者多矣。或擬其形。或喻其色。惟恐其不能工。然皆非真知雪者也。雪中有妙理。惟學道君子。潛心內守。篤志窮理者。乃能知之。詩翁才人。不能知也。蓋擬

木樂大典卷九千七百三

其形喻其色。求之於外也。求之於外。逐物而馳者也。即是物窮是理求之於我也。學道君子以心晤雪。以雪洗心。故能真有得於雪。是之謂格物之功。篇章云乎哉。詞翰云乎哉。嗟夫。大化之運流行於宇宙間。仰而天日月星辰。俯而地風雲雨露。何莫非理之所寓。而雪也。得理之精。鍾氣之純。在色為素。於德為仁。實同天地生物之心。譬之於道。廣大而微密。雖萬殊之散見。而確兮可象。璫兮寓形。而不失毫分。粹然一真。譬之於性。其生也。靜當。喜怒哀樂之未發。潔淨純一。豈外塵滓埃之可侵。是謂雪中之妙理。被喻之為絮。為蓋。擬之為鶴。為鷺。為瑤。為瑛。曾何足髣髴其萬一乎。滄瀛之間。舊號雪苑。士大夫居其間。命雪為亭。為園。為軒。樓。為臺。觀。而玉君國。祥以巖居自命。宜有說乎。君曰。吾志在山。吾樂在雪。西山之巖。巖崔嵬萬尋。吾延之戶庭。北苑之皓皓。皜皜。亘千里。吾納之几席。吾與山為徒。與雪為友。巖兮雪兮。不在乎外。在吾方寸之間耳。余聞君言。作而曰。余嘗謂詩翁才人。不能知雪。惟學道君子。潛心內守。篤志窮理者。乃能知之。國祥其人歟。遂書此以贈之。國祥早負鄉曲之望。抱負奇偉而淡然名利之表。不求聞達。真知雪者也。余未及識。他時歸舟過蘆川。會當識之。元吳澄夫言集木長

永樂大典

卷九七六三

柔知草長藤風風岡下老雲何清名寂寂無名更白髮蕭蕭有髮僧晴霽
撒珠泉噴薄暮煙凝翠石峻增寒山土怕人曉古喚作雲巖渠不磨元遺
山集貞松勁栢四時春霽月光風一色新置屋懸崖儘堪老層水千里只
愁人韓性五雲漫薰作雲巖圖 萬朵瓊瑤失翠微北風如箭紫花飛明
憲試展寒無素類有斜陽為解圍國朝張志道詩峨眉之西古時雲削玉
娟娟嶽太空山川只今留夜月草木為爾回春風閉門浴下謝過客授簡
渠園來老翁梅花滿樹百 噴雪巖 平陽府志噴雪巖在山西平陽
壺酒我欲枕石於其中 府解州南四里武昌府志噴雪

巖在湖廣武昌府興國州通山縣東南八十里九宮山上重慶府志噴雪
巖在四川重慶府江津縣東北馮京市之側高數丈溪流落於石上奔激
如雪黃公庭堅大書曰噴雪西安府志噴雪巖在陝西西安府長安縣白
鹿半原有一泉方闊數丈不見其底泛湧晝夜無時而息泉流百步臨高
崖千尺而落為瀑布有一大石 成都府志噴雪巖在四川成都府
龍灘為雪片為之噴雪巖 蘭州漢江上流距城十里形如

偃月故名夔州府志月巖在四川夔州府安岳縣高灘福聖院之對隱士
趙驚因崖為之下可容百餘人後巖猶奇一在四川嘉定州龍游縣李昌

永樂大典卷九七六三

十八

圖之亭榭也有九洞餘研間鏡佛像榜曰月巖九洞有象泉亭惠州府志
月巖在廣東惠州府博羅縣羅浮山金華府志月巖在浙江金華府義烏
縣南二里下臨大溪巖形如月故名饒州府志月巖在江西饒州府樂平
縣西北三十里其中嘗陰陰又有月山巖建昌府志月巖在江西建昌府
境內縣率嶺側清涼寺之傍有石巖如半月呼為月巖南安府志月巖在
江西南安府上猶縣猶石嶂上穴正圓如月徑數十尺表裏不隔俗謂猶
石巖廣信府志月巖在江西廣信府貴溪縣東南三里一在上饒縣西三
十里一石石橋山巖半有穴穿出山背遠望如月故名月巖葉宇記云山
中壑穴如虹橋然外窺如蓋遠望如月雖天台石橋不足以比朱喬年郎
中有詩云鑿透巉巖不記春山腰千古掛水輪誰知擊破三峯手聊出嬋
娟戲路人永州府志月巖在湖廣永州府道州永明縣西南八十里崇福
鄉地若六伯町宛然半月廣大高明巖下階級天成因建寺曰雄山階上
為殿階下為廡艾性夫刺語月巖詩不容天上妖蕪食却許山中狡兔眠
兩日見巖成二絕丫頭不老月長圓吳希湖山集羊輪斜月掛巖邊見者
多應嘆未圓圓極會如鈞樣曲何如此月鎮嬋娟清毒巖心泉學詩紫皎
皎應如欲下弦為誰長掛此巖前行人莫嘯中空洞空洞中間盡是天陸

游瀟南集幾年不作月巖遊萬里重來已白頭雲外連娟何所似平羌江
 上半輪秋江湖後集安晚堂詩一巖空洞樹雲山巧印穿蒼半壁環只為
 廣寒宮殿遠故留明月在人間趙元治鷗渚微吟玉斗仙蛇馭飛翰便作
 琉璃世界省大地山河洋忘却設依桂樹舞青鸞趙蕃淳熙葉論畫以形
 詩必此東坡老子嘯人癡月巖本是佛空石底常輕論圓與虧 舉頭見
 日猶為近何況陵虛到月邊更欲乘回窺真妄無人與我共談玄 那得
 空山月半輪天將絕境驗詩人古今來往知多少底事流傳略未聞趙蕃
 詩過貴溪數里望月巖作 宿雨洗清秋行行早放舟團圓正林抄隱隱
 半巖幽永謝妖蕪食寧酒玉斧脩少微并婺女何事獨名州喻良能香山
 集何年玉斧巧脩成半似明生半魄生易使飛鳥來匝繞難將老蚌較虧
 盈吳郡賦蚌蛤珠胎與月虧全 桂枝不逐秋風老水影長隨夜氣清曾
 是廣寒宮裏客舊遊重訪更含情曾丰博齋集巖腹刻為半月形全功天
 且不能成勿嗟圓處便生缺猶幸月中堪養明更朔還多終有望受虧已
 久得無盈願言鍊石補教足使我眾生眼界平華趙二先生南征錄已已
 春道廣信夜宿月巖蚌中三客酌酒論詩拍掌擊案自謂得句且對岳自
 侈云我輩朝風詠月自有所得勿恠狂妄因思月巖為山甚異午夜月出

水樂大典卷九十七百六十一

於巖之中桂影於月之上月有小大桂有廣狹此山之所以異詩之所由
 作也然墮問集上留詠篇章無慮十萬求其絕稱蓋亦鮮儻偶三客出天
 蟾字韻素筆和之三客頌首謝罪特界壁以留歲月 華岳韻六丁一鑿
 空雲煙滿窟勒駕驅神仙水輪推出月中月王斧劈開天外天便把嫦娥
 騎蛛厥却呼羽客烹銀蟾更邀王母瑤池酒今夜廣寒同醉眠 希達詩
 涵虛一境絕人煙掛星昔月樓羽僊移來海上三島地喚作人間幾洞
 天逍遊有客騁鸞鳳滿座清光延兔蟾舉頭耿耿照不寐料想無人醉欲
 眠未望潛山集赫日方正中忽見第二月老木盤硬枝扶疎負桂葉煙雲
 成顯晦弦望靡盈闕初無大小餘可以歷沒滅但能照行人千古次山側
 却嘆天上輪晝夜不停撤史浩鄒峯真隱漫錄青山吐白玉團樂光萬頃
 何時飛來峯著此破昏暝料想清夜闌主人深自領安得招歡伯三人成
 對影韓流澗泉集本意遊雲洞因行過月巖西風低細竹初日上長杉塵
 外多僊隱人間易謗謾逍遙且黃帽憔悴付青衫錢塘書裏集 等造化
 功此巖何異絕其高僅齊雲中空杳如月如月月不圓望之光芒全何人
 植蒼桂婆娑亦相緣凡物偶有象愛好難獨偏雖名雖自人所得重天然
 詩者術巧思或比蝕與弦由來假借中莫必加鑽研項安世梅葉後編少

日曾相識重來有故情殷勤前度月依舊向人明擾擾此生死區區輪滿
盈何如長半掩萬古不西傾竊立方歸憑某頭轉後現身卧虎欄班苔藓
蒼頡古鑿空融結寶月形只露半規餘未吐正觀傍晚若有根擬債天工
降月斧桂樹宵來墮子青未見姮娥來倚樹姮娥只今居廣寒虹橋幻成
愁阿瞞何如巖竇守孤潔却視玉兔飛雲端雲端之月有圓缺常在爭如
石中月寒光萬丈照幽巖石上雲端兩奇絕馬虛中霞外集賦月巖 高
巖挺堆姿本根神地軸青天月飛來炯炯照幽獨我嘗觀微妙識此真面
目理愜心自知慎勿語流俗 明月無古今寒巖了今古體用元不昧明
晦從吞吐既不昧本根時能畏風雨持此問虛空虛空定相許儲文卿詩
天然合成壁落日透巖暉不盡團圓影應知晦蝕機騎蟾人已去倚藥地
忘歸惟有婆娑桂吹香度客衣徐梅堃先生集大巧工夫本不全清光鑿
破未教圓豈無妙補蒼穹手脩滿水輪送上天姚成一雪坡集巖影嵌空
月欲圓天風吹動碧雲端到天一半已如許真到廣寒應更寒李忠定公
集留題月巖 廣寒宮殿寄幽巖忌滿非緣玉斧戲皓魄半輪橫道左清
光千古照江南陰精凝結之無質神化胚胎豈易探好是月華生碧落扶
疎桂影遠相參吳芾湖山集遊月巖仙人蛇骨幾何年姓字于今祕不傳

永樂大典卷九千七百五

二十

石壁蒼崖無處問空餘洞府尚依然平生性癖喜巖居事不如人只守
株擬欲結茅依石罅仙人還許我來無徐安國西窓集題重遊月巖 老
眼重游識舊模踟躕望意何如奉回路轉驚埋壁兩散雲沈憶墮梳日
借空明還皎皎風搖桂影亦踈踈知羽舞歸來之爽對高寒相步雲
頓年往返城西路目送高巖有底如正想魁子思煥射偏疑甯鏡罷梳
一夫做像成何益千古標題願不踈安得倚空挂杖杖飄然容我一冲虛
徐衡仲詩月巖道中 萬空煙雨暗藍輿卯酉昏昏困未蘇舉眼神驚恍
如失倚空凝面擁蟾蜍 又次芥子永同遊雲洞月巖 瘦竹頻敲稚子
班此身何似白雲閒詩成醉墨三千首欄倚衡空十二間恠石驚心排磊
砢飛泉當面瀉潺湲幡然莫下歸時路又見山頭月一掌徐似道詩過月
巖 橋虹跨水千尺巖月倚空半規嵌脫相看如昨夕嗚佇立移時陳李
陵太倉柳米集上饒道中望月巖 瘦馬度蒼蒼悠悠長年群山不知
數窠窠來眼前忽逢天上月下掛蒼崖巖炯如碧玉玦中空實雲天巖柯
亦薄相為作蟾桂圓陰晴無顯晦千古長蟬娟坐令馬上夢憶我江南川
江空月自吐萬頃含風煙靜聞歎乃聲入我獨宿船誤從塵網中見似喜
欲願何當追昔遊揮脫區中緣質地結茅屋攀雲躡飛仙朝吸白露光暮

欽山根泉清歡僅可結浩歌與周旋揚誠齋集宿月巖 月華無滿亦無
虧天借寒光劣半規長掛水盤下弦魄新生丹桂出輪枝偏令南省登金
客爭賦東堂片玉詩傳語嫦娥還有妹請分一箇任幽奇李曾伯可齋集
已酉夏詠月巖 老蟾竊靈藥墮兔下塵寰迹誤來石江名虛巫峽山長
風送之來奇影千丈巖列壁當層雲虛白主光寒婆娑仙桂影中着孤根
蟠宛究學翁初盈盈一鈎彎如出滄海頭半揭煙霄端風雨不改度晦朔
從猶環山靈奪天目作此奇哉觀閱盡來去人不蒼其類所欠斷髮始
一闕難磨鏡憑誰駕長梯取置懷袖間為施玉斧工脩作寶鑑團豈無女
媧之手呂翁指運此神造應非難何如存我真面目嫵媚一笑只作青山
看陳傑無為集題信州月巖 岡路陰陰忽半規無盈萬古亦無虧鑿開
空洞地有眼劈下廣寒天不知小著山河偏影處平分塔挂上弦時遊人
莫訝清光少照見江東典盛秉名賢詩題月巖 世道從來滿則虧十分
何似八分奇青山作意常千古只露巖前月半規孫觀鴻慶居士集月巖
寺寺有巖石高數十丈一穴中空如半狀號半月巖 老蟾蝕月缺破鏡
墜道邊金樞棟一夕玉斧斲千年何人挾寸鐵挿羽飛上天但令蛙蟻死
重看十分圓段允迪詩題停治月巖石 巖月韜藏閭歲深故老空傳無

永樂大典卷九千七百六十一

五

處尋一朝強起汚渠下何啻焦桐遇知音高才固未識多識女亦埋沒隨
浮沉暮風斷蝕土花古夜雨華出苔辭侵冉侯通守湖海士搜奇不吝索
中金終日坐對無俗慮大書傑句銘石除此書定知傳不朽後人視昔猶
視今歐陽守道吳齋集題興善院淨師月巖圖 君不見長安市接擾行
人如聚蟻不惟宵客與塵民往往冠紳大夫士投身鬧處思山林欲歸未
歸長苦心夜深燈火如白晝嘔啞絃管喧繁音孤客欲眠眠不得四更五
更人暫息忽然車鼓鳴枕中百官朝早傳呼亟我時起坐一喟然推牕孤
月方流天嗟哉市朝不知夜挹此清景何由緣歸求重覓麋鹿伴塵勞餘
業猶羈絆高僧過我出畫圖月照巖心僧仰看有巖有月佳佳我僧又不
俗何方來此巖豈是南海觀不然五臺峨眉鴈蕩與天台巖空月圓僧靜
坐不用話頭勞勤破人言腰錢騎鶴上揚州何如巖中月下從僧遊程公
許滄洲塵走編題信州半月巖巖際半輪月神工幻恠奇本來無顯晦何
自有盈虧嵐霧凝塔影藤蘿影挂枝能令萬里客為爾憶我眉胡廣聚然
集題上院半月巖 何年落月掛蒼山長似瑤梳神翠葉擬琢半輪營魄
處莫教如缺只如環 境樓玉宇匝天開織女天孫靜往來月姊故應羞
老退謹除私館墮巖隈 每見雲端上下弦遙憐破鏡兩娟娟願移此景

塘官去。月月當令一再圓。非關狡兔穴中藏。肯與凝巖飽寸腸。只恐世人嫌冷者。故依雲岫掩寒光。趙善括應齋雜著好事近 新月巧穿山桂

樹影高群木。任使雲遮煙鎖。自春輝秋綠。我來折得最高枝。踏破一輪玉。寶斧脩教圓樣。放十分光足。偃月巖 府志

偃月巖在應天府六合縣靈巖山。其山嶺高峻。南北為偃月。巖下今有法義禪院。水月巖 竹溪先生集水月巖詩明泉落

巖隈滿月掛山額。踈星淡河漢。下與水光白了然。心境空炯炯。照仙宅。鴻鳴夜更清。欲卧已終夕。海月巖 廣州府志海月

巖在本府東莞縣亭頭場海濱。昔九座禪師遊於此。今有巖。明月巖 桂林府志明月巖在本府城北五里。一山角立其巖

南向。緣磴而上。空明瑩潔。舊有道人居之。今荒蕪為祀神之所。小月巖 宋韓流潤泉集題潘舍人小月巖 山石

漠漠明寒煙。望中一見心凄然。平生玉斧脩未圓。幾年只在靈溪邊。長安人家雜塵土。驚恠轉庵能斷取。知君詩眼留萬古。不待四更看月吐。

透月巖

元王惲秋澗集透月巖記 王子塞向冬。整不出戶者兩月。適寒曦回。燠乘休。郊游步過故人子也。鮮伯之居有奇

永樂大典卷九千七百五十五

五

石儼侍堂背。銳上而豐。下百竅洞達。大者為巖。小者為竇。聳者為岑。絡者為脉。復形勢之所當出者。又皆人意與會。表裏瑩潔。渾然天成。顧而睨之。

如華峯半圭。高挿雲表。余乃百匝摩挲。襟袖霑漬。主人因乞名於余。即目之曰透月巖。何其石堅凝。為寶物也。今玲瓏秀麗。實而能虛。疏風逗月。回

伏景氣。如神剗鬼刻。出奇乃爾。誠百不一見也。主人喜其名佳。而物稱明。日過門。慳文其狀。予告之曰。昔汝父新中府君。熟其平生。久矣。為人安靜。

遇禮而用和者也。嘗買一石。日與之伍。呼為石友。乃臨終曰。吾國俗近古。不封不樹。然我歿當以此石末。吾罔西墓。田何嗜好其高也。如是。因念昔

陸績官壽林。裝鉅積。以越海。鄭璠守象江。葦六石。以歸秦。前人稱道。筆之簡冊。非特見其澹僻也。正以二賢操履。當蒞官行己之際。以廉靜為心。由

為實而致輝光之用者。在此而不在彼也。吁。汝父之志。固有慕於昔賢。今汝能真。求世業。亦廉潔自厲。復葺竒石。思繼靜觀之樂。因述以求心。庶

能堅其所已至。而厲其所未至者焉。又得一幀。幅無華更矣。不然。將以物為玩。徒成喪志之癖。非余之所敢知也。於是乎書以貽之。至元二十四年

丁亥冬春節前三日記。又詩偶到詩家思適然。一峯竒石墮吾前。千金欲買初無價。百穴潛通小有天。花露返香滋碧潤。月娥含景愛幽妍。從今

紫翠芙蓉夢不到齊州落照遺蕭動齋集日月騰光
六合千巖細大皆通聞道主人方寸政如此石玲瓏
月暈巖 溫州府志

月暈巖在本府瑞安縣五十六都其巖挿漢上有
黑書月字措法宛然旁有巖類半月影映溪水
月湖巖 廣信府志月湖

巖在本府萬壽德元觀碑信州貴溪縣有曰英材者背
尖嶺岡面雲林三十六峯曰香爐北巖曰月湖
月帔巖 永州

府志月帔巖在本府道州寧遠縣由村梁武帝時有雙師自南嶽來止於
黃庭觀居白馬巖一日臨溪浴即隱去留所衣月帔在杉木間數百年不

壞巖中坐席
午日巖 福州府志午日巖在本府寧德縣邑人程公
舊迹宛然 端午日入巖採藥忽然輕舉因曰午日巖

永樂大典卷之九千七百六十三

永樂大典卷九千七百六十三

三